

Ny Baiboly ho an'ny ankizy
dia manolotra

Ny
nahaterahan'i
Jesoa



Nosoratan'i: Edward Hughes
Sarin'i: M. Maillot; Alastair Paterson
Nampifanarahin'i: E. Frischbutter; Sarah S.
Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar
Novokarin'i: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.
Azo atao ny fandikana na fakana ity tantara ity
nefa tsy ho amin'ny fitadiavam-bola.





Taloha ela be Andriamanitra dia naniraka ny Anjely Gabriela hamangy ankizivavy jiosy iray antsoina hoe Maria. Ary hoy izy taminy:

"Hiteraka zazalahy ianao ka ny anarany ataonao hoe Jesoa. Izy ilay hantsoina hoe

Zanaky ny Avo

Indrindra. Ary ny fanjakany tsy hanampahataperana".




"Ahoana re no hahatanteraka izany e?" hoy ilay ankizivavy gaga. "Izaho mantsy tsy mbola mahalala lahy." Ny anjely namaly azy fa Andriamanitra no hametraka izany zaza izany ho ao an-kibony. Ka tsy hanana ray olombelona velively izy.



Nambaran'ilay Anjely tamin'i Maria koa
fa i Elizabeta rahavaviny, eny fa na dia
antitra aza, dia mitoe-jaza
amin'izao fotoana izao.
Fahagagana koa izany.
Fotoana vitsy
taorian'izay, Maria
dia nandeha namangy
an'i Elizabeta. Ary
dia niara nisaotra
an'Andriamanitra
izy ireo.



Maria dia fofombadin'i
Josefa. Hany ka nalahelo
Josefa raha nahafantatra
fa bevohoka i Maria.
Nihevitra izy mantsy
fa misy lehilahy
hafa miaraka
amin'i Maria any,
rain'io zaza ao
an-kibony io.




Ny anjelin'Andriamanitra dia nanambara tamin'i Josefa tao amin'ny nofy fa ny zazakely dia Zanak'Andriamanitra. Tokony hanampy an'i Maria hikarakara sy hitaiza an'i Jesoa izy noho izany.



Natoky an'Andriamanitra
Josefa ka dia nanaraka ny
teniny. Nanaja ny lalàna
misy eo amin'ny
fireneny
koa izy.



Araka ny didim-panjakana iray vao nivoaka mantsy,
dia tsy maintsy niverina tany amin'ny
tanàna nihaviany, any
Bethlehema, Josefa
sy Maria mba
hosoratana



amin'ny fandoavan-ketra.





Efa nihetsi-jaza i
Maria. Saingy tsy
nahita efi-trano
hivantanana mihintsy
i Josefa. Feno
daholo ny trano
fandraisam-bahiny

tao
an-tanàna.



Tranon'omby no hany hitan'i Josefa. Ary dia tao
Jesoa no teraka. Nampanorian'ny reniny tao anaty
fihinanam-bilona izy, toerana
izay natokana
hametrahana
ny sakafo
ho an'ny
biby.




Tsy lavitra teo dia nisy mpiandry ondry niandry
ny ondriany. Niseho tamin'izy ireo
ilay anjelin'Andriamanitra ka niteny

taminy
fa hilaza
vaovao
mahafaly
amin'izy ireo
izy.



"Fa mpamonjy no teraka ho anareo anio
ao an-tananan'i Davida. Dia Kristy
Tompo. Ny zazakely dia ho

hitanareo
mandry
eo




am-pihinanam-
bilona".



Tampoka teo nisy Anjely maro be
niseho ka nidera an'Andriamanitra
nanao hoe:



"Voninahitra ho any amin'ny avo indrindra
ho an'Andriamanitra! Ary fiadanana
ety ambonin'ny tany ho



amin'ny olona
ankasitrahany."




Ary ny mpiandry ondry dia nandeha faingana, nitady ilay tranon'omby. Ary nony efa hitany ilay Zazakely, dia nitantara tamin'ny olona rehetra ny teny nolazain'i anjely taminy momba an'i Jesoa izy.





Nony afaka efapolo andro, dia nentin'i Josefa sy Maria tao an-tempoly tao Jerosalema i Jesoa. Nisy lahiantitra iray antsoina hoe Simeona tao, nankalaza sy nidera an'Andriamanitra noho ny amin'ilay Zaza.





Ary i Ana, ilay
mpanompovavin' Andriamanitra
kosa nisaotra azy.
Izy roa ireo dia
samy nahalala
fa i Jesoa no
Zanak' Andriamanitra,
ilay Mpamonjy efa
nampanantenaina
hatrizay. Nanolotra
domoina roa i
Josefa hatao
fanatitra.






Izany dia
voadidin'ny
lalàn'Andriamanitra,
haterin'ny olona
mahantra rehetra,
rehefa hanolotra
ny zanany ho
an'Andriamanitra
izy ireo.



Tato aoriana
kely, nisy
kintana hafa
kely avy any
atsinanana,




nitarika ny
olon-kendry ho ao Jerosalema.
Nanontany ny olona izy ireo hoe:
"Aiza no teraka ny Mpanjakan'i
Jiosy? Fa tonga hiankohoka eo
anatrehany izahay."



Nony nandre izany ny
mpanjaka Heroda, dia
nangorohoro ka nampaka
ny olon-kendry ary nilaza
taminy fa rehefa mahita
an'i Jesoa izy ireo, dia
mba ambarao aminy.

"Mba hankanesako any koa
hiankohoka eo anatrehany"
hoy izy. Saingy nandainga
i Heroda.


Hamono an'i
Jesoa no
tetiny.




Ary ny kintana nitarika ny Magy ho ao amin'ny trano nitoeran'i Maria, Josefa ary Jesoa. Nandohalika sy niankohoka teo anatrehan'i Jesoa ireto vahiny ary nanolotra fanomezana volamena sy zava-manitra sarobidy ho Azy.



Natoron'Andriamanitra
hevitra ireo olon-kendry
handeha mangingina
rehefa hiverina hody
any aminy. Tezitra mafy
i Heroda noho izany.



Ary satria efa nivonona
ny hamono an'i Jesoa izy,
dia nanome baiko ny
hamonoana ny zazalahy
rehetra roa taona no
midina tao Bethlehema.





Saingy tsy afaka nanisy
ratsy ny Zanak'Andriamanitra
i Heroda!

Natoron'Andriamanitra
hevitra tamin'ny alalan'ny
nofy i Josefa, mba
hitondra an'i Maria
sy Jesoa hiafina any
Egypta.



Rehefa maty i
Heroda, dia nentin'i
Josefa niala tany
Egypta i Maria sy
Jesoa.



Nonina tao
amin'ny tanàna kely
atao hoe Nazareta izy ireo,
tao amoron'ny Ranomasin'i Galilea.



Ny nahaterahan'i Jesoa

Tantaran'ny Tenin'Andriamanitra, ny Baiboly,

Tao amin'ny bokin'ny

Matio 1-2, Lioka 1-2


"Ny fanambaràn'ny teninao dia manazava."

Salamo 119:130





36



60



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

